

Dissertatio Academica,

Cogitationes sistens

De

*Libertate Græcis callide a
Romanis oblata;*

Quam

Conf. Ampl. Fac. Philos. in Reg. Acad. Aboënsi,

Præside

*Mag. HENRICO GABRIELE
PORTHAN,*

*Eloqu. Professore Reg. & Ord. Reg. Acad. Litt. Human.
Hist. & Antiquit. Membro.*

Pro Gradu

Publico subjicit Examini

*MATTHIAS ENEGRÉN,
Ostrobothniensis,*

*In Auditorio Majori die XIV Junii A. MDCCXCIV,
H. A. M. S.*

ABOÆ,

Typis FRENCKELLIANIS.

IN
SACRAM REGIAM MAJESTATEM
SPECTATÆ FIDEI VIRO,
JUDICI TERRITORIALI
TERRITORII KORSHOLMENSIS MERIDIONALIS,
AMPLISSIMO ET CONSULTISSIMO
D:mo HERMANNO ROSS,

*H*as pagellas sacratas voluit, debuit

AMPLISSIMI ET CONSULTISSINI NOMINIS SUI

Cultor devotissimus
MATTHIAS ENEGRÉN.



§. I.

Alias inter res ad doctrinam utilem posteritati præbendam comparatas, quas Historia expendendas offert, singularem meretur attentionem. propensio illa atque studium, quo civitates potentiores auxilium vicinis, aut ad Principum contra libertatem civium suorum conatus reprimendos, aut ad vim Regum populorumque opibus valentiorum tempestive prohibendam, obtulisse reperiuntur. Negari quidem non potest, caussas hujus studii plerunque satis apertas atque perspicuas esse offerre; sed interdum tamen paulo obscuriores atque implicatores obveniunt. Contilio potius suam potentiam augendi, & aliorum populorum, in primis æmulorum suorum, vires frangendi, quam amicitiae, benevolentiae & commiserationis motibus haec conamina vulgo deberi, haud difficile est intellectu. Labores, sumtus & pericula pro aliis, privati etiam mortales ægrius suscipiunt; multo minus hoc de civitatibus earumque rectoribus facile credas. Quod Historia luculentissime confirmat. Imprimis cum Reges Principesque quos dominationi suæ amiciores, quam aliorum libertati atque iuribus fuisse scimus, vindices tamen defensoresque libertatis Civitatum vicinarum acerrimos atque amicissimos esse venditasse videmus, eamque quam apud cives suos tanquam morbum imperii

imperii gravissimum, contagionemque pestiferam omni nisu
opprimere allaborarunt, apud vicinos suos tanquam sacram
salutis anchoram, privilegium hominum pulcherrimum, jusque
eorum sanctissimum tueri, ejusque amorem alere ac inflammare
studuerunt; quid spectaverint & secuti sint, fugere potest
neminem. Hoc enim consilio gentes illas liberas, funesto il-
lis dono offerendo, & tanquam esca hamo impolita fallendo,
se facillime in servitutem esse redacturos sperarunt. Sub a-
amicitiæ igitur specie obicem harum Civitatum incremento,
fomentum discordiarum & turbarum perpetuum, compedes
virium unioni atque usui molestissimos fœde objecisse, adhibuif-
fe, impeglisse exitimarunt. Qualium consiliorum, eventuum
que quos habuerunt exempla, & antiquior & recentior ætas
tot tamque luculenta exhibet, ut ea proferre necesse haud vi-
deatur. Quis enim v. g. Polonicæ libertatis, diu a vicinis
Monarchis diligenter assertæ & vindicatæ, ignorat Historiam?
Quæ igitur omnia admirationem excitare, nullo modo de-
bent. Civitates autem liberas, quibus ipsis libertas sua adeo
cara grataque fuit, ut pro ea acerrime pugnarent, vitamque
potius quam eam amittere vellent, aliis tamen gentibus ean-
dem, animo non amico & sincero, sed fallaci & inimico, uti
donum periculosum ac perniciotum obtulisse, restituisse atque
conservasse; id videri mirum debere, merito putas? At hujus
tamen rei exempla Historia præbet nec pauca, nec dubia.
Licet enim haud negemus, rationem amicitiæ atque benevolen-
tiæ, liberos populos nonnunquam impulisse, ut pro liberta-
te aliorum defendenda ac vindicanda laborarent atque pugna-
rent: quales conatus erant Atheniensium & Eretrien-
sium pro Iōnum libertate contra Persas defendenda, Corinthiorum pro
Syracusani in libertatem vindicandis &c. adhibiti; certum tamen
est, eosdem Athenienses, posterioribus temporibus, non minus ad
Persarum formidolosam sibi potentiam frangendam, Græcosque
Afiaticos non solum propugnaculi instar illis oppositi munien-
dos, sed eosdem etiam sibi adjungendos, imo subjiciendos,
quam

3

quam ad horum libertatem juraque tuenda, consilia sua retulisse. Unde conatus Aegyptiorum quoque & Cypriorum, Persicum excutere jugum conantium, Regesque suos sibi creantum, adjuvare non negligebant. Romanos autem simili consilio, æmularum scilicet suorum infirmandorum, siue imperii extendendi caussa, Principibus ac populis, a vicinis potentioribus oppressis, auxilia studiose tulisse, plurima luculentissimaque evincunt exempla. Quo eodem studio ducti, non modo ad eas Græciæ civitates, quæ Macedonum jugo oppresæ tenebantur, horum dominationi eripiendas magnam vehementemque adhibuerunt operam; sed etiam cuique earum libertatem, Græcis tantopere dilectam, donarunt: quod summi instar beneficii, & uti benignitatis honestissimæ, liberalissimæ atque laudatissimæ documentum luculentissimum, ab his summa lætitia elatis, aestimatum & celebratum fuisse, constat. Insigne hoc factum, caussasque ejus & consilium paucis considerare, tirocinium aliquod edituri Academicum, jam instituimus; summa quasi attigisse capita contenti, quod diligentius rem pleniusque persequi, neque vires, neque tempus, neque facultates permittunt.

§. II.

Res Romanorum in immensum auctas, virtutibus hujus populi, fortitudini, frugalitati, prudentiae, constantiae aliisque bonis artibus deberi, egregii qui gesta ejus ad posteros prodiderunt scriptores, uno ore testantur. Neque negari potest, luculenta præstantissimaque harum rerum exempla haud pauca extare: neque sine illis adjumentis tale tantumque imperium nasci conservarique tamdiu potuisse, quis facile contendat. Sed sola tamen virtutis ope, non semper ad ingentem illam quam nauctus est potentiam, hunc populum fuisse grassatum; verum injuriis etiam, dolis & calliditate usum (quibus artibus multum valuit) hunc apicem attigisse, attentos gestorum suo-

rum lectores fugere minime potest. Inter quas artes referre
 haud dubitamus, consilium quo se portum atque refugium
 gentium oppressarum venditavit, easque sibi ita ubique conci-
 liare, *magisque* igitur *dandis quam accipiendis beneficiis*, ut
 SALLUSTIUS scribit, *amicitas parare*, studuit. Fieri enim
 non potuit, quin Romani, ita se gerentes, plurimos sibi de-
 vincirent amicos atque fautores, Principesque & populos im-
 becilliores ad suum contra potentiores patrocinium amplecten-
 dum, allicerent: qua arte & his hostes fuscitabant, & sibi
 copiam rebus eorum, quoties videretur, se ingerendi, com-
 parabant. Ita autem his illecebris & sua cupiditate, præsen-
 tium metu periculorum futurorumque spe commodorum oc-
 cæcatæ, in laqueos sibi intenſos gentes multæ irruebant, ut
 apertam non viderent fraudem, qua Romani populos a domi-
 natione aliorum non nisi eum in finem liberabant, ut eorum
 ipsi mox arbitri ac domini fierent, atque tandem eos vecti-
 gales sibi redderent. Officia igitur illa aliis gentibus præsti-
 ta, ad suum augendum imperium, non ad libertatem aliorum
 bona fide defendendam, tendebant. Ac facile deinde fuit,
 studio curaque ad controversias gentium sociarum aut compo-
 nendas, aut dijudicandas oblatis, auctoritatem Romanorum
 sensim magis magisque in illas augere, atque ita tandem con-
 stituere, ut instar provinciarum illæ, nullo jam resistere au-
 fo, tractarentur. Quæ sane libertatem veram restitutam illis
 haud fuisse, sed in aliam saepe graviorem servitutem esse præ-
 cipitatis, apertissime demonstrant. Hujusmodi exempla plu-
 rima Annales subministrant; quorum pauca commemorasse;
 sat erit. Ita Civitatum Sicularum, quas primo bello Punico
 contra Carthaginenses Romani tutabantur, conditio ea re o-
 lim melior haud reddebatur; nam omnis Sicilia provincia
 tandem facta fuit Romana: quæ dominos itaque mutabat, do-
 minatione non liberabatur. Idem Hispanæ ac Africæ urbi-
 bus ad Romanorum opem confugientibus, contigit. Virtus
 itaque Romanorum, & tantopere celebrata animi magnitudo
 atque

atque liberalitas, proprius spectatæ, multum de pretio suo admittunt. Ac interdum turpiter adeo hic populus se gessit, ut Romana fides, culpatæ a se Punicæ melior haud appareret. Sed ad Græcos revertimur.

§. III.

Præstitum his a Populo Romano beneficium, cum Græciæ Civitatibus a Tyrannorum suorum & a Macedonum dominatione liberatis, post victum apud Cynoscephalas Philippum, immunibus esse suisque uti legibus permitteret, tantum Græcis visum fuit, tanta lætitia, tanta exsultatione ab iis excipiebatur, ut cum in ludis Isthmicis primum promulgaretur, animo haud temperantes, vix esse mentis compotes viderentur. Effusam hanc eorum lætitiam, & POLYBIUS (*Legat.* IX *Historiar.* T. IV. C. XXIX. p. 100-104 Ed. Schweigbæuer. Lipf. 1790, 8:o) & qui eum presso pede sequitur LIVITUS (*Hist.* L. XXXIII. C. XXXII sq.) vivide describunt. Sufficit hujus verba attulisse. "Præco cum tubicine, ut mos est, in medianam arenam, unde solemni carmine ludicum indici solet, processit, & tuba silentio facto, ita pronunciat: „Senatus Romanus & T. Quinctius Imperator, Philippo Rege Macedonibusque devictis, liberos, immunes, suis legibus esse jubet Corinthios, Phocenses, Locrensesque omnes, & Insulam Eubœam, & Magnetas, Thessalos, Perræbos, Acbæos, Pbthiotas. Perconuerat omnes gentes, quæ sub editione Philippi Regis fuerant. Audita voce præconis majus gaudium fuit, quam quod universum homines caperent. Vix latiss credere se quisque audisse: alii alios intueri mirabundi velut somni vanam speciem: quod ad quemque pertineret, suarum aurium fidei minimum credentes, proximos interrogabant. Revocatus præco, quum unusquisque non audire, sed videre libertatis suæ nuncium averet, iterum pronunciaret eadem. Tum ab certo jam gaudio tantus cum clamore

„plausus est ortus, totiesque repetitus, ut facile appareret,
 „nihil omnium honorum multitudini gratus, quam libertatem
 „esse. Ludicrum deinde ita raptim peractum est, ut nullius
 „nec animi nec oculi spectaculo intenti essent. Adeo unum
 „gaudium p̄eoccupaverat omnium aliarum sensum volunta-
 „tum. Ludis vero dimissis, cursu prope omnes tendere ad
 „Imperatorem Romanum: ut ruente turba in unum, adire,
 „contingere dextram cūpientium, coronas lemniscosque jacien-
 „tium, haud procul periculo fuerit. Sed erat trium ferme
 „& triginta annorum, & quum robur juventae, tum gaudium
 „ex tam insigni gloriae fructu, vires suppeditabant. Nec p̄e-
 „fens omnium modo effusa lætitia est; sed per multos dies
 „gratis & cogitationibus & sermonibus revocata: Esse ali-
 „quam in terris gentem, quæ sua impensa, suo labore ac pe-
 „riculo, bella gerat pro libertate aliorum; nec hoc finitimus,
 „aut propinquæ vicinitatis hominibus, aut terris continentis
 „lunctis p̄estet; maria trajiciat, ne quod toto orbe terrarum
 „injultum imperium sit, & ubique jus, fas, lex, potentissima
 „sint. Una voce preconis liberatas omnes Græciae atque A-
 „siæ urbes. Hoc ipe concipere audacis fuisse animi: ad ef-
 „fectum adducere virtutis & fortunæ ingentis." Quæ adhuc
 auget & amplificat PLUTARCHUS in *vita Flaminini*: §. 10.
 Ed. Reisk. (Lips. 1775, 8:o). Nec intra primum motum lu-
 xuriantis lætitiae sese continuerunt. Addit APPIANUS: Sta-
 tuas etiam Imperatori Romano erigendas oppidatim decrevis-
 se; Legatosque cum aureis coronis in Capitolium venisse,
 qui publice gratias agerent, & in tabulas sociorum Romani
 populi nomina Civitatum suarum inscriberent. (Excerpt.
 Libri IX de reb. Maced. C. VII. 2. p. 515. Vol. I. Ed.
 SCHWEIGHÆUSERI, Lips. 1785, 8:o). Cumque ultimam quasi
 operi suo manum Proconsul Romanus imponeret, *Acrocorin-
 tbi quoque, Chalcidis & Demetriadis* p̄efidia Romana de-
 ducturum atque in Italiam sese omnem exercitum reportatu-
 rum, in conventu Legatorum totius Græciae, Corinthi edito,
 publice

publice pollicitus fuisse, non sine manantibus oranibus gau-
dio lacrimis auditum, LIVIUS docet. (l. c. Lib. XXXIV,
Cap. 49 & 50). Quam gloriam *Quinctio* etiam ipsi majorem
visam, quam aliam omnem ex rebus a se gestis redundantem,
PLUTARCHUS afferit, atque argumentis demonstrare nititur.

§. IV.

Hæc igitur Græcorum lætitia quam justa fuerit, quam-
que generosum & sincere præstitum iis a Romanis beneficium,
jam expensuri; primum haud quidem negamus, non inanem
prolius aut intempestivam illam fuisse, respectu ad conditio-
nem suam proxime præcedentem habito, cui donata illis jam
libertas sine dubio præferenda erat. Macedonum enim jugo
haec tenus pressi, aut a tyrannis afflitti illorum patrocinio ni-
xis, respirandi quoddam saltem naëti sunt intervallum; quo
paullo etiam diutius, rectius certe svaviusque uti iis licuis-
set, si consiliis monitisque *Quinctii* saluberrimis parere no-
vissent (*); ita ut nimis severum credas judicium ROLLINI,
(*Hist. Anc.* T. VIII. L. VII. p. 392), gaudium illud *stupidum*
fuisse, afferentis. Verba ejus sunt: *On peut dire que les
Grecs alors se livrèrent à une joie stupide.* Cum vero li-
bertatem hanc suam aut constantem, ab omnique externa au-
toritate immunem futuram hæriolarentur, aut ex vera sincera-

que

(*) "Libertate modice utantur; temperatam eam, salubrem & singu-
lis & civitatibus esse; nemiam & aliis gravem, & ipsis qui ha-
bant, effrenatam & præcipitem esse. Concordia in civitatibus,
principes & ordines inter se, & in commune omnes civitates,
consulerent. Adversus consentientes nec regem quemquam satis
validum, nec tyranum fore. Discordiam & seditionem omnia
opportuna insidiantibus facere, quum pars quæ domestico certami-
ne inferior sit, externo potius se applicet, quam civi cedat." **LIVIUS** l. c. C. 49.

que benignitate & sibi beneficiendi affectu, a Romanis confessam autumarent; parum utique acute judicabant, animoque valde fallebantur. Nam primo mores eorum ita erant corrupti, factionum studia inter illos tam vehementia ardebant, inimicitiaeque & invidia inter multas civitates adeo inveteraverant, ut tranquillitate, concordia & libertate diu fore fruituras, verisimile videri haud posset; eademque res impeditura erat, ne vires unquam in communem defensionem sincere & studiose conjungerent. Qvamobrem non potuit non brevi evenire, quod contigit, ut Regum vicinorum partim interfie, partim contra crecentem nimis Romanorum potentiam moliminiibus, mox immisererentur, ejusque imperio qui superior ex bello discesserat, parere cogerentur. Unde materia ob recuperatam libertatem impense lætandi, hoc intuitu admodum exigua fuit: utpote qua diu gavisuri non erant. Sed specie præsentis boni capti, instabilitatem & fragilitatem ejus, non cogitabant.

§. V.

Ad Romanorum jactatam tantopere & a suæ gentis & a Græcis scriptoribus beneficentiam, Achivis hac occasione præstitam, quod attinet; magnas admodum laudes non mereri, utpote non tam a vera benignitate & generositate animi, quam a callido suarum rerum augendarum studio protectam, facili intelligitur negotio. Primum enim quantum lucrum ex ipsa hac laude generositatis & beneficentiae, mentita licet, sed speciosa tamen, atque falso suo splendore Græcorum oculos præstringente, reportaverint, satis docet PLUTARCHUS l. c. §. 12 scribens: "Qvinctio vero & Romanis ob eorum in Græcos merita, non ad laudes modo relata gratia, sed ad fidem, etiam apud omnes mortales & imperium est merito progres- sa. Neque enim accipiebantur modo Imperatores eorum, sed & accercensentes & evocantes illos, fidei se committebant,

„bant: neque populi solum & Civitates, sed & Reges quoque
„ab aliis violati regibus, decurrebant ad illorum præsidium.
„Unde brevi omnia iis paruere.” Ex simulata itaque hac li-
beralitate multo plus lucrati sunt commodi, idque sine bello
atque armis, quam si Græcos vi mox sibi parere coëgissent.
Deinde callido hoc consilio, ad Macedonum potentiam & in
præsenti vehementer frangendam, & ad futuram virium sua-
rum vel restorationem vel amplificationem impediendam, effi-
caciissimam inibant rationem. Post Carthaginensium enim o-
pes oppressas, ultra tendentibus, & Græciam Orientisque re-
gna potestati suæ subjicere meditantibus, Macedonicum impri-
mis imperium obstare videbatur, quod cum ob antiquam
gloriam, tum ob hodiernas etiam vires (*), qvas Rex Philip-
pus confirmaverat & auxerat, formidolosius quam cætera pu-
tabant. Quum igitur ab una parte Græcorum cum Macedo-
nibus veteres ac perpetuae inimicitæ, qui nihil intentius mo-
liebantur, quam ut Civitates Græcas suo sensim jugo submit-
terent, paratam sibi opportunitatem offerrent, his conciliandis
hostem contra Macedonas his admodum incommodum sibi adjun-
gendi & sustinendi, quam arripere haud neglexerunt; ab al-
tera Philippum præcipuo potentiae suæ subfido privabant.
Namque quamprimum se libertatem Græcorum contra Mace-
donas tutatuos profitebantur; fieri non potuit, quin illi qui-
bus hæc maximi semper pretii visa fuit, & de qua a majori-
bus suis contra Persas defensa vehementer gloriabantur, ad
liberatorum suorum partes mox transirent: quo ipso Philip-
pus insigni illo privabatur auxilio, quod Græcia ei suppedi-
taverat, cuius opes Plutarchus vocat *nervos belli diuturnio-
ris, promptuarium, refugium, organum denique Phalangis
Macedonici.* l. c. Unde, licet ipse nihil lucrari in præsenti popu-
lus Romanus videretur, hoste tamen præcipuo quasi enervato
facilem sibi in posterum dominationis extendendæ viam munie-

B

bat

(*) Cfr. JUSTINUS Hist. L. XXX C. 3, & ROLLIN l. c. p. 392 sq.

bat. Græcia ipsa, quæ non modo cum Macedonibus conjuncta, sed etiam sola inter se unita negotium facessere Romanis, subjugare illam conaturis, potuisset; dono libertatis sibi gratissimo fascinata, in facilem his prædam cessit. Opportunitas, hoc facto, optima Romanis parabatur. Civitatum Graecarum consiliis se immiscendi, omniumque rerum gravium arbitrium sibi vindicandi. Facile enim videbant, futurum id quod evenit, ut libertate restituta, vehementer orirentur inter Græcos discordiæ; ad quas sedandas Romanos adhibere necesse foret. Qui qua fide illas composituri essent, in promptu est ad judicandum: eaque omnia Historia satis illustrat. Vid. POLYBIUS l. c. L. XXIV C. X, L. XX C. I, L. XXV C. I sq. (Legat. 51, 53, 58) &c. LIVIUS L. XXXVIII C. 30-33 &c. Cfr. ROLLIN l. c. (*Reflexion sur la conduite des Romains &c.*). Amicitia Graecorum tamdiu Romanis curæ fuit, aut esse videbatur, quamdiu Macedoniae opes florentes erant; qua vero subacta, dominationem asperam in illos exercere haud dubitabant. Cujus rei exemplum principes Achæorum in Italiam post superatum Perseimperiose evocati, mox præbebant luculentum. Vid. LIVIUS L. XLV C. XXXI. Magis vero adhuc superbum animi sui in *socios suos* dabant documentum, cum legatis ad lites inter Lacedæmonios & Achæos componebant in Peloponnesum missis, mandarent, ut societatem solverent Achaicam: qua dissoluta, dubium non erat, quin omnes Græci (Ætolorum viribus jam antea protritis) obsequi imperio suo necesse haberent. Quæ quidem res eum evenitum habuit, ut Corintho deleta tota Græcia in formam provinciæ Romanæ redigeretur. Officia igitur in Græcos collata, quo consilio quoque animo his præstata fuissent, luculentter apparuit.

§. VI.

Circa quos mores consiliaque Romanorum, tantum licet studium tantamque admirationem libertatis professorum, stupere

11

haud oportet. Nam libertatem &que ac reliqua bona, quæ
genti alicui ipsi maximis sunt in deliciis, in aliis tamen, præ
invidia & dominandi cupidine, animo haud æquo ab eadem
spectari, sæpe videmus; quod a Romanis factum esse, quorum
civitas a primo mox initio nil nisi bella, dominationem &
immoderatum imperii proferendi studium ipirabat, minus etiam
haberi mirum debet. Neque quod libertatem ipsi deperibant,
impedire potuit, quominus cernerent, ad vires populi non tam
conjugendas, quam dissociandas, eam sæpe pertinere? ubi
nimirum discordia invaluit, & studium partium animos civi-
um fascinavit, sibique invicem infestos reddidit, ita ut alterius
partis consiliis altera omni conatu obsistat, publicæ fa-
lutis nulla aut exigua plerumque habita ratione. Talem au-
tem discordiam, ad quam levitas & fervor ingenii Græcos per-
se, in tanta morum corruptione, reddebat pronissimos, non
fovere Romanis haud fuit consilium: cui quidem excitandæ
& alendæ libera imperii constitutio faciliorem atque locupleti-
torem semper præbet opportunitatem. Præterea, nec fana
integraque fuit libertas, talisve qualem sapientiores Romani
suam esse cupiebant, illa quam Græcis tam liberaliter offere-
bant atque tradebant, sed turbida, cœca, corrupta: quam
brevi servitutem & exitium iis esse parituram, probe scie-
bant. Nec rarum est inter mortales, ut, quod sibi commodo,
recte illo uti doctis (quod facile de se quisque judicat), fore exi-
stiment, id alii animo nocendi, ut infanti gladium, porri-
gant: atque ex subdola ac simulata hac gratificandi voluntate
apud illos etiam laudem querant. Græcis autem eo tempore acci-
dit, quod Civitatibus infirmioribus, inter potentiores rivales
interjectis, omni ævo experiri neceesse fuit: ut five huic five
illi sese parti adjungentes (nam mediis se gerere neque vel
cupientibus plerumque permittitur, nec tutissime semper hac
via ad metam pervenitur), five ocius five tardius victori in
prædam cederent. Nam quod vulgo præcipitur, ut ad æqui-
librium inter contendentes vicinos constituendum omnes vires
confe-

conferant; id recte quidem consulitur, sed haud facile semper est factu. Atque in his, ut in aliis rebus humanis, fortuna, sive rectius Divina regens cuncta atque gubernans Providentia, dominatur, mortalium consiliis omnibus superior atque potentior.

